



Broj:09-20/1-11-2-1859

Dana: 26.10.2021 godine

Na osnovu člana 43., i 45., Zakona o unutrašnjim poslovima Federacije Bosne i Hercegovine („Sl. novine Federacije BiH“ broj: 81/14), člana 25., 69., i 70., Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje otvorenih postupaka nabavke u 2021. godini, zamjenik direktora Federalne uprave policije d o n o s i:

O D L U K U

o poništenju postupka Javne nabavke POLICIJSKIH UNIFORMI I DIJELOVA UNIFORMI ZA SPECIJALNU POLICIJSKU JEDINICU.

Na osnovu obavještenja o nabavci broj: 1412-1-1-192-3-101/21 objavljenog u „Službenom glasniku BiH“ broj: 56/21, od dana 10.09.2021 godine, provođen je otvoreni postupak.

1. Za predmetnu javnu nabavku pristigle su dvije ponude i to od „DANIAL S“ d.o.o. Tešanj i „ASTORIJA“ d.o.o. Novi Grad, te je u vezi sa navedenim dana 25.10.2021 godine, vršen pregled i ocjena dostavljenih ponuda o čemu je sačinjen Zapisnik broj:20/1-11-2-1859.
2. Komisija je u Zapisniku o pregledu i ocjeni ponuda od 25.10.2021 godine, konstatovala da ponude ponuđača „DANIAL S“ d.o.o. Tešanj i „ASTORIJA“ d.o.o. Novi Grad ne ispunjavaju uslove tražene tenderskom dokumentacijom odnosno da pojedini dostavljeni uzorci uniforme i dijelova uniforme za SPJ po obliku i formi ne ispunjavaju pojedine uslove tražene tenderskom dokumentacijom, te iz tog razloga predložila poništenje predmetne nabavke.
3. Shodno članu 69., stav 1., tačka d., (nijedna od dostavljenih ponuda nije prihvatljiva) Zakona o javnim nabavkama BiH, ugovorni organ donosi Odluku o poništenju postupka predmetne nabavke.
4. Odluka stupa na snagu sa danom donošenja.

OBRAZLOŽENJE

Komisija za provođenje otvorenih postupaka nabavke za 2021. godinu, imenovana Rješenjem zamjenika direktora Federalne uprave policije, broj: 09-19/1-30-2-207 od 18.03.2021. god, je postupala shodno obavještenju o nabavci 1412-1-1-192-3-101/21 objavljeno u "Službenom glasniku BiH" broj: 56/21, dana 10.09.2021 godine, te tom prilikom provodila otvoreni postupak Javne nabavke uniformi i dijelova uniformi za SPJ.

Dana 29.09.2021 godine, Komisija za provođenje otvorenih postupaka nabavke za 2021. godinu je izvršila radnju Otvaranje ponuda o čemu je sačinjen Zapisnik sa otvaranja ponuda u kojem su uneseni svi elementi predviđeni članom 63. stav 4. i 5., ZJN BiH.

Komisija je u Zapisniku o pregledu i ocjeni ponuda od 25.10.2021 godine, konstatovala slijedeće:

---- Da ponuda pravnog lica „DANIAL S“ d.o.o. Tešanj ne ispunjava uslove tražene tenderskom dokumentacijom odnosno da se uvidom u dostavljene primjerke/uzorke uniforme i dijelova uniforme za SPJ, može konstatovati slijedeće:

-dostavljeni primjerak kačketa je izrađen od neadekvatnog (mekanijeg) materijala koji ne zadržava traženi oblik i formu osmougaonika pri korištenju;

-košulja kratkog rukava ne odražava traženo pozicioniranje bočnih džepova na nadlaktici (bočni džepovi su pozicionirani bliže unutrašnjem dijelu ruke) odnosno džep je zajedno sa znakom pozicioniran previše prema unutrašnjem dijelu ruke;

-kod dostavljenog primjerka košulje kratkog rukava zadnji dio košulje je popriječno prosječen i mrežica ne povezuje gornji i donji dio leđa od tkanine kako je traženo tenderskom dokumentacijom;

-kod dostavljene košulje dugog rukava elastična traka koja reguliše visinu i položaj lakatnog pojačanja je smještena na ne adekvatnu poziciju odnosno na pregibu nadlaktice i podlaktice sa unutrašnje strane i smesta predviđenoj funkciji;

-kod dostavljene košulje dugog rukava zaštita za lakat (džep u kojem je smješteno anatomske oblikovano lakatno pojačanje) je postavljena prenisko tako da štiti samo podlakticu odnosno nije postavljen da vrši traženu funkciju;

-dostavljeni primjerak pantolona ne sadržava dvije opletene rupice (lufteri) sa unutrašnje strane između nogu;

-dostavljeni primjerak pantolona nema otvor za izbacivanje nečistoća na donjem kraju pantolona;

-na dostavljenom primjerku kombinezona, traka-čičak za čin je prenisko postavljen odnosno u nivou stomaka;

Plombirani izvještaji o analizi i kontroli kvaliteta kao i Izvještaj o analizi i kontroli kvaliteta koji su dostavljeni uz uzorke dijelova uniforme i to od strane ovlaštene i certificirane institucije „Euroinspekt“ d.o.o. Sarajevo su potvrđivali da su isti usklađeni sa tenderskom dokumentacijom što je u suprotnosti sa gore navedenim činjenicama a koje je utvrdila Komisija. (primjer- dostavljeni primjerak pantolona ne sadržava dvije opletene rupice (lufteri) sa unutrašnje strane između nogu a isti su naveli da je dostavljeni uzorak usklađen sa tenderskom dokumentacijom).

Napominjemo da je „Euroinspekt“ d.o.o. Sarajevo u svom Izvještaju naveo da je za određene analize neakreditovan (ne akreditovan za postojanost boje na znoj, vrste tkanja, postojanost boje na otiranje, postojanje boje na hemijsko čišćenje itd) ali je bez

obzira na navedeno dostavio Izvještaj o analizi a što potvrđuje da je taj Izvještaj nepotpun i da samim time se neispunjavaju uslovi traženi tenderskom dokumentacijom

---- Da ponuda pravnog lica „ASTORIJA COMPANY“ d.o.o. Novi Grad ne ispunjava uslove tražene tenderskom dokumentacijom odnosno da se uvidom u primjerke/uzorke dostavljene uniforme i dijelova uniforme, može konstatovati slijedeće:

- dostavljeni primjerak kačketa ne odražava osmogaoni oblik koji je tražen tenderskom dokumentacijom (nije urađen štep);
- na dostavljenom primjerku/uzorku košulje kratkog rukava na oba rukava nedostaju predviđeni džepovi a na lijevom rukavu nema čička za amblem;
- na dostavljenom primjerku/uzorku košulje kratkog rukava na prednjem džepu nema predviđeni otvor za olovku, lampu itd;
- dostavljena jakna odražava traženu formu ali je izrađena od neadekvatnog materijala (tankog materijala) i na bočnom dijelu nema mrežice u traženom dijelu;
- dostavljeni uzorci uniforme ne odgovaraju traženoj boji tamnosiva (SCHWARTZGRAU) oznake RAL 7021 IZ RAL- kolor kard.

Plombirani izvještaji o analizi i kontroli kvaliteta kao i Izvještaj o analizi i kontroli kvaliteta koji su dostavljeni uz uzorke dijelova uniforme i to od strane ovlaštene i certificirane institucije „Bosnainspekt“ d.o.o. Sarajevo su potvrđivali da su isti usklađeni sa tenderskom dokumentacijom što je u suprotnosti sa gore navedenim činjenicama a koje je utvrdila Komisija.

Napominjemo da je „Bosnainspekt“ d.o.o. Sarajevo izvršila određene analize za koje nije napisla da je akreditovana kao npr: vodoodbojnost, skupljanje na pranje 40% , hemijsko čišćenje, itd.

Po osnovu navedenog Komisija je konstatovala da ponude ponuđača „DANIAL S“ d.o.o. Tešanj i „ASTORIJA COMPANY“ d.o.o. Novi Grad, ne ispunjavaju uslove tražene tenderskom dokumentacijom te u skladu sa navedenim te predlažila da se izvrši poništenje predmetnog postupka u skladu sa članom 69., stav 2., tačka D., ZJN BiH (nijedna od dostavljenih ponuda nije prihvatljiva).

Pravna pouka: Protiv ove Odluke može se podnijeti žalba ugovornom organu, Federalnoj upravi policije u roku od 10 (deset) dana od dana prijema ove Odluke.

**ZAMJENIK DIREKTORA
GENERALNI INSPEKTOR POLICIJE**

Ensad Korman

Dostaviti:

- Sektor za mat. fin. poslove
- ponuđačima
- u spis

